

Representantskapet og styret:

Referat frå representantskapsmøtet for Kystsogevekene 2019

Statsraaden bar på Bradbenken i Bergen torsdag 25. april kl. 1000

Tilstades: Per Lerøy (leiar i representantskapet/Austrheim), Bente Bondhus (Hordaland fylkeskommune), Trond Nesmann Berntsen (Askøy), Torill Mjelva Saatvedt (Bergen), Odd Bjarne Skogestad (Fjell), Atle Kvåle (Fusa), Jon Ivar Steine (Gulen), Jarle Vassdal (Lindås), Nils Marton Aadland (Meland), Jostein Borlaug (Radøy), Gaute Epland (Stord), Kåre Martin Kleppe (Tysnes), Atle Dævøy (Øygarden)

Fullmakter:

Austevoll: Camilla Hagebø Solbakken	- > fullmakt til Per Lerøy
Fitjar: Agnar Aarskog	- > fullmakt til Per Lerøy
Osterøy: Jarle Skeidsvoll	-> fullmakt til Atle Dævøy
Sund: Kari-Anne Landro	-> fullmakt til Per Lerøy
Sveio: Ruth Grethe Østerbø Eriksen	-> fullmakt til Per Lerøy

Med 13 representantar til stades og 5 fullmakter, til saman 18 røyster, var møtet vedtaksfør.

I tillegg var fylgjande personar tilstades:

Børge Haugetun (styreleiar i stiftinga)
Kjell Magnus Økland (dagleg leiar i stiftinga)
Grethe Mong-Hansen (sekretær)
Roy Arild Nilsen (fotograf)
Knut Harald Frøland (ordførar Samnanger)
Morten Askvik (ordførar Hyllestad)
Ole Andre Klausen (ordførar Askvoll)
Gerd Fløde Bjørlo (kultursjef Eid, representant for Eid og Selje kommune)
Jens Joachim Hjorth (kaptein *Statsraad Lehmkuhl*)

Møtet opna med at Jens Joachim Hjorth, kaptein på *Statsraad Lehmkuhl*, gav ei orientering om sogå til seglskipet, som låg ved kai like utanfor møterommet i Statsraaden bar.

Saker til handsaming

01/19 Godkjenning av innkalling

Ingen merknader til innkallinga.

02/19 Val av ein representant til å skrive under protokollen, i tillegg til møteleiar og referent

Per Lerøy var vald til møteleiar, Kjell Magnus Økland som referent og Torill Mjelva Saatvedt vart vald til å skriva under møteboka.

03/19 Årsmelding 2018

Styreleiar Børge Haugetun orienterte kort om aktiviteten i 2018. Han gav ros til aktivitetsnivået og dagleg leiar. Representantskapet slutta seg til dette. Det var ingen merknader til årsmeldinga.

04/19 Årsrekneskap 2018

Det var ingen merknader til rekneskapen.

05/19 Framlegg frå styret: endring av vedtektene for stiftinga

Dagleg leiar, Kjell Magnus Økland, orienterte om føremålet med vedtektsendringane. Det kom framlegg frå Kaare M. Kleppe om å forenkla § 4, slik at ein ikkje treng vedtektsjustering kvar gong ein skal ta med nye kommunar i stiftinga.

Ny formulering for § 4:

§ 4. Representantskap

Stiftinga skal ha eit representantskap, samansett ved at fylket og kvar av medlemskommunane oppnemner ein medlem kvar.

Representantskapet sine medlemmer vert oppnemnde for 4 år.

Representantskapet skal ha ein leiar og ein nestleiar som vert valde av og blant representantskapet sine medlemmer ved byrjinga av fireårsperioden.

Medlemmer av representantskapet kan ikkje veljast til styret.

Representantskapet sin leiar møter i styret med tale og forslagsrett, men ikkje røysterett.

Med denne justeringa vart styret sitt framlegg til nye vedtekter samrøystes vedteke.

Etter dette tok representantskapsmøtet ein pause for fotografering ute på dekket til *Statsraad Lehmkuhl* og attende i møtelokalet vart det servert smørbrød, kaffi og te.

06/19 Informasjon om offisiell opning i Gulen 10. august

Dagleg leiar orienterte kort om opningsarrangementet. Fyrste del av dagen vil arrangementet finna stad på tusenårsstaden på Flolid. Gulatingets lovverk og andre element frå vikingtida vert aktualisert. Seinare på dagen vert det eit historisk tablå frå 1800-talet ved det gamle kommunehuset i Eivindvik. Til sist vert det nattkonsert i Gulen kyrkje med Kjersti Wiik, Brekke mannskor og Spleis.

07/19 Nye medlemskommunar presenterer seg

Dei nye medlemskommunane fekk høve til å presentera seg. Fyrst ut var kultursjef i Eid kommune som orienterte om Eid og Selje kommune, som frå nyttår går saman i Stadt kommune. Her var det nye Sagstad og Myklebustskipet, Selja kloster, Sunnivaspelet og bølgesurfing nokre av stikkorda. Dinst gav Ole Andre Klausen frå Askvoll kommune nokre smakebitar frå Askvoll: krabbefestivalen på Atløy, Bakkejekta og det kjende seglingsmerket Alden. Morten Askvik frå Hyllestad kommune peika på korleis kvernstein frå Hyllestad har vore sentralt i livet på Vestlandskysten i lange tider før Knut Harald Frøland frå Samnanger kommune mellom anna lokka med Samningakraft på Bjørkheim.

08/19 Vegen vidare for stiftinga

Det var eit kort ordskifte om at Stiftinga Kystkultur no! med dei nye medlemskommunane og den nye heilårsmodellen no har ei tydeleg trong for auka ressursar. Bente Bondhus oppmoda administrasjon og styret til å vera aktiv i kontakten overfor fylket for å få til auka økonomiske rammer for stiftinga. Representantskapet slutta seg til denne oppmodinga.

09/19 Ymse

Ingen saker under ymse.


Møte slutt 1215.

Bergen, 3. mai 2019



Per Lerøy

Leiar representantskapet
Stiftinga Kystkultur no!



Torill Mjelva Saatvedt
Representant for Bergen kommune



Kjell Magnus Økland
Referent og dagleg leiar, Stiftinga Kystkultur no!



www.kystkultur.no